



Publicaziuns officialas dils 02-10-2009

Resultats dallas votaziuns federalas dils 27-09-2009

Projects federalas

Finanziaziun supplementara temporara da l'assicuranza d'invaliditad entras augment dallas tariffas dalla taglia sin pli valur

Cedels da giu 287 Vits 2 Nunvaleivels 1 Valeivels 284 **Gie 170** **Na 114**

Renunzia a l'introducziun dall'iniziativa dil pievel generala

Cedels da giu 268 Vits 6 Nunvaleivels 1 Valeivels 261 **Gie 168** **Na 93**

Participaziun: 26,84%

Sumvitg, 27-9-2009

Biro electoral

Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiv risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun siil temps d'unviern ston vegnir exequidas entochen alla **fin d'october 2009**. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 02-10-2009

Departament stradal

Uniun da gimnastica da dunnas Surrein

La radunonza generala ha liug **mardis, ils 6 d'october 2009** allas **20.00** uras ell'ustria **Greina**. Commembras novas ein cordialmein beinvegnidas.

14. Fiera d'atun a Rabius

L'uniun purila organisescha la fiera d'atun ils 24 d'october a Rabius. Naven dallas 10.00–16.00 sa mintga vischina e vischin exponer lur products sin in stan. Tgi che vul exponer products agricols, artisanadi, pettas ni tustgets sa s'annunziar tier Dominique Bundi, tel. 081 943 22 09. Sin Vossa annunzia selegra *l'uniun purila*

Uniun Sportiva – Viadi d'atun

Dumengia ils 4 d'october 2009 (Datum da reserva ils 11 d'october 2009)

Tura gronda:

- partenza allas 8.00 parcadi hotel «Greina»
- cun autos privats tochen Flem (parcadi pendicularas)
- viadi cun sutgeras e pendiculara tochen Cassons 2675 m.s.m.
- tura a pei entochen la ruosna S. Martin e sil pas Segnes
- retuorn sul Crap da Flem tochen Bargis
- cun auto da posta anavos a Flem

Tura pintga:

- partenza allas 10.00 parcadi hotel «Greina»
- cun autos privats tochen Flem/Fidaz
- viadi a pei, ni cun auto da posta entochen Bargis
- individuala spassegiada ella val Bargis
- sentupada cun gruppa dalla tura gronda ella uustria a Bargis
- anavos cun auto da posta a Flem/Fidaz

Il viadi vegn menaus atras mo da bialaura!

Proviant: ord il sacados.

Segirada: caussa da mintgin.

Per damondas stattan a disposiziun: Renato Monn, tel. 079 434 00 07 ed Ursin Bearth, tel. 079 603 72 09.

Cordialmein envida *Uniun sportiva Rabius il comité*

Uniun samaritana Sumvitg

Igl exercezi meinsil digl october ha liug **mardis, ils 6 d'october 2009** allas 19.55 a Rabius el local samaritan.

Pro Senectute Surselva

Niev! Sault a Sumvitg

Il proxim sault per seniors e senioras ha liug:

Datum: **Venderdis, ils 16 d'october 2009**

Temps: 14.00–18.00 uras

Liug: Ustria dalla staziun a Sumvitg

Musica: Capella La Muota

Sclariment: Ludivina Candinas-Collenberg 7175 Sumvitg, tel. 081 943 19 22

Pro Senectute Surselva

Neu! Tanzveranstaltung in Sumvitg

Der nächste Tanzanlass für jung gebliebene Senioren und Seniorinnen ist am:

Datum: **Freitag, 16. Oktober 2009**

Zeit: 14.00–18.00 Uhr

Ort: Ustria dalla staziun in Sumvitg (direkt beim Bahnhof)

Tanzmusik: Kapelle La Muota

Auskunft: Ludivina Candinas-Collenberg 7175 Sumvitg, Tel. 081 943 19 22

Pro Senectute Surselva

Niev/Neu!

Co retrer bigliets dils automats novs dalla Viafier retica? – Wie bediene ich die neuen Billettautomaten der RhB?

Mira/siehe sut Disentis/Mustér.

Uniun da tratga da biestga Cadi

Exposiziun da genetschas e vaccas a Breil

Mira sut Breil.

Club da ballapei Trun/Rabius

Campionadi da ballapei

Mira sut Trun.

Biblioteca Trun

En biblioteca a Trun prelegia Gabriel Derungs ord siu cudisch «**Agid!**». **Venderdis, ils 2. d'october 2009 allas 20.30.** Cordialmein envidai ei era la scola da Sumvitg cun lur geniturs.
La Cumissiun biblioteca ed il team dallas bibliotecaras

Biblioteca Trun

Mira Sut Trun

Biblioteca populara, Mustér

Mira sut Disentis/Mustér.